





खास तारो बुद्धिमान मनख न्अ ऊं घर में लियायो जण्हअ मरियम अर यूसुफ खुद का बाळक की लार रेव्अ छा। गोड़ा टेकर परातना करता होया यात्री ईशु न सोनु, अनतर अर महगा मोल का दान दिया।

19



परमेसर बुद्धिमान मनखा न्अ चतायो क छान्असिक खुद क घरां पछा चल जावो। हेरोद रोषा होगो।

20



वो ईशु न्अ मारबा की ठणा मेल्यो छो, वो खराब राजो बेथेलहेम का सबळा लुवा बाळका न्अ मरा दियो छो।

21




पण हेरोद परमेसर की ओलाद को काई भी कोनुअ बगाड सक्यो! सपना में चैतावणी मलताई, यूसुफ मरियम अर ईशु की रुखाळी बेई मिसर चलग्यो।

22



ईशु को जनम



जदया हेरोद मरग्यो तो यूसुफ, मरियम अर ईशु न्अ मिसर सुं पाछो लियायो।

23

ईशु को जनम
बाइबल, परमेसर का बचना की कहाणी
में पायो गियो
मत्ती 1-2, लुका 1-2
“ज्यो थांकी जन्दगी में उजाळो देव्अ छ।”
भजना 119:130

लखबाळो Edward Hughes
सम्झाबाळो M. Maillot

अनुवाद करबाळो Royson Norman D'Souza
रूप बदलबाळो E. Frischbutter; Sarah S.

60 मंसुं 36 कहाणी

M1914.org

Bible for Children, PO Box 3, Winnipeg MB R3C 2G1 Canada

अनुज्ञापत्र (लाइसेंस): थे यां कहाण्या की फोटू कॉपी और छपवा
सको छो, शरित याई छ क बैचूअ कोनुअ।

परमेसर जाण्अ छ क आंपा अस्यान को गुनो करया छा जिन्अ वो पाप खेव्अ छ। अर पापा की सजा मौत छ।
परमेसर आंपा सुं अतरो परेम करअ छ क वो खुद का छोरा ईशु न्अ आंपणा पापां की सजा बेई सुळी प चडर खुद का पराणा की बलि देबा खन्दायो। ईशु मरर फेरू जीवतो होयो अर पाछो सरग में चलग्यो। अब परमेसर आपणा पापां न्अ छमा कर सक्अ छ।
ज्यो थे थांका गुना सुं अर पापां सुं बचबो चावो छो तो उंसुं अरदास करो; प्यारा परमेसर मनुअ बस्वास छ क ईशु म्हार बेई खुद की जन्दगी की बलि दियो छ अर अब फेरू जीवतो होयो छ। हे परमेसर तु म्हारी जन्दगी में आ अर म्हारा पापां न्अ छमा कर द्अ। जिसुं म एक नुई जन्दगी जी सकूँ। अर सदा हमेश थारी लार रे सकूँ। हे परमेसर म्हारी सायता कर क म थारी ओलाद की न्याऊ जी सकूँ। आमीन। यूहन्ना 3:16
बाइबल पढ़ा अर रोजीना परमेसर सुं बातों करां।

ढुंढाड़ी

Dhundhari




1




2

वो उन्अ खियो, “तु एक छोरा न्अ जण्अली ज्यो ईशु का नाऊ सुं जाण्यो जाव्अलो। वो परमेसर की ओलाद खुवाव्अलो। वो सदामेश राज करअलो।”




“यो कस्यान हो सकअ छ?” छोरी अचम्भा में होर खेई। “म हालतानी कोई मोट्यार की लार कोनअ रेई।” सरगदुत मरियम नअ खियो बाळक परमेसर की दिया सु होवअलो। कोई मनख उको बाप कोनअ होवअलो।

3




वो सरगदुत मरियम नअ खियो क उंका काका की छोरी एलिजाबेथ क बुढ़ापा म एक ओलाद होई छ। यो भी एक चमत्कार ई छो। मरियम बेगीई एलिजाबेथ सु मली। वे दोनी परमेसर सु परातना करी।

4




मरियम की युसूफ नाऊ का एक मनख सु सगाई होई। युसूफ या जाणर उदास छो क मरियम क बाळक होबाळो छो। वो बच्यार कररयो छो क कोई ओर ई बाळक को बाप छ।

5



एक दन सपना मअ परमेसर को दूत आर युसूफ नअ खियो, यो बाळक परमेसर की ओलाद छ। ईशु की हार सम्भाळ म युसूफ मरियम की सायता करअ छो।

6



यूसुफ परमेसर को खियो मानबाळो अर उमअ बस्वास रखाणबाळो छो। वो खुद का देश का कानून को भी पालण करअ छो। नुवा कानून की बजे सु वो अर मरियम वांका खुद का शहर बेथलहम

7



मरियम क बाळक जणबा की बगत आई। पण यूसूफ न कहुअ भी एक कमरो कोनअ मल सकयो। सबळी धरमशाळा भरी छी।

8



आखरी म युसूफ नअ एक नोअरो मल्यो। जणहुअ ईशु को जन्म होयो। माई उनअ एक ठाण म सुवाण दी, एक अस्यान की ठार जणहुअ ज्यानबरा नअ चारो खुवावअ छ।

9



सांकड़अई, लळुडया का गुवाळ खुद की लळुडया की रुखाळी कररया छ। एक सरगदूत उणहुअ प्रगटयो अर वानअ एक अचम्भा को समचार खियो।

10



“अणहुअ दाऊद का नगर म आज एक मुक्ति देबाळा को जन्म होयो छ जो परमेसर को मसी छ। थे उं बाळक न ठाण म सुतो देख सको छो।”

11



झटदाणी सिक घणा सारा सरगदूत दिखबा लागगा अर वे सबळा परमेसर सु परातना करता होयो खे रया छ, ...

12



... “धरती प शांति बेई परमेसर की महमा ऊंची छ, मनखा बेई चोखो होबाळो छ।”

13



वे गुवाळ भाग्याई नोररा म गिया। उं बाळक नअ देख्या पाछुअ ईशु का बारा म सरगदूत ज्यो खीया छ वानअ सबळी बाता बताया।

14




चाळीस दन पाछुअ यूसूफ अर मरियम ईशु नअ यरूशलेम का एक मन्दर म लेर आया। उणहुअ साइमन नाऊ को एक मनख बाळक बेई परमेसर सु परातना करयो, बूढ़ा हन्ना अर परमेसर का दूसरा सेवा करबाळा धन्यवाद दिया।

15



दोनी जाणअ छा क ईशु परमेसर की ओलाद छ, बचन की जियान एक मुक्ति देबाळो। यूसूफ दो जन्दावरा की बली दियो। यो परमेसर को निम छो क कोई भी गरीब क लुवो बाळक होवअ तो वो अस्यान करअ।


16



थोड़ा दना पाछुअ एक खास तारो एक बुद्धिमान मनख नअ अगुणी का देश सु यरूशलेम लेर आयो।

“यहूदया को राजो ज्यो पदा होयो छ? वो कहुअ छ?” वो खियो। “मैं उंकी पुजा करबो चावा छ।”

17



राजो हेरोद ऊ बुद्धिमान मनख का बारा म सुणयो। वो वानअ खियो क जदया भी वे बाळक नअ देखअ तो मनुअ बतावअ। “म भी उंकी पूजा करबो चाऊ छुँ।” हेरोद खियो। पण वो झूठ बोलरयो छो। हेरोद ईशु नअ मारबो चावअ छो।

18